

Beiheft

2

S 110/100

1268 Dez. 2 Münster.

[40

Gerhard, Graf von der Mark, Bischof von Münster, befundet, daß die Verzichtleistung auf den Hof Bedemerswic, Kspl. Osterwic, zu Gunsten des Klosters Barlar Kraft haben solle.

Gerardus, Dei gratia comes de Marka, Monasteriensis episcopus, omnibus praesens scriptum visuris notum esse cupimus, quod Thidericus de Schonebeke miles et Helewigis uxor eius et filii eorundem constituti in nostra praesentia resignationem, quam ipsi antea communi omnium ipsorum voluntate et consensu solemnit^{er} in choro ecclesiae Monasteriensis in die dedicationis ipsius coram venerabilibus viris Walramo praeposito, Frederico decano, Renfrido thesaurario et capitulo ecclesiae ipsius, praesentibus laicis Hermanno de Ludinghusen, Rodolpho de Meinhuvel, Alberto Dapifero, Henrico Selekinck et Siberto Norendin militibus et multis aliis clericis et laycis, fecerant de

curte Bedemerschwie dicta Dudekinck, sita in parochia Osterwic, quam idem Thidericus religiosus viris praeposito et conventui monasterii in Varlare de communi praedictorum suorum haeredum consensu proprietario jure vendidisse legaliter et pecuniam sibi inde promissam recepisse professus est publice, denuo innovabant, curtem eandem cum universis et singulis eius attinentiis et iuribus in nostris manibus libere et absolute ad manus dicti monasterii resignarunt, abrenunciantes plane et simpliciter omni iure, quod in eadem curte ipsis compete^{bat} vel quoquomodo posset competere in futuro. Data nihilominus fuit ibidem talis sententia, quod huiusmodi resignatio et abrenunciatio factae coram nobis non minus erunt validae praefato monasterio, quam si factae fuissent in figura talis iudicii, quod vulgus vriethinc dicit, cum solemnitatibus, quae circa talia ibi fieri consueverunt. Ne igitur supra-dictum imposterum violare possit cuiuscunque calumnia, scriptum praesens inde confectum nostro et nostrae ecclesiae ac praedicti Thiderici sigillisi pariter est munitum. Acta sunt haec ultimo Monasterii in domo praepositi Monasteriensis, praesentibus praeposito Hermanno dicto de Holte et Bussceno canonico Monasteriensi; Themone nostro notario, item Henrico de Thetten, Godefrido de Hethe et Hermanno quondam iudice in Monasterio militibus; Machario de Birebeke et multis aliis clericis et laycis. Antea vero, quando resignatio et abrenunciatio praedictae a memorato Thiderico et filiis eius fiebant in choro ecclesiae Monasteriensis, fuerunt ibi praesentes praeter ipsius ecclesiae praelatos et canonicos Hermannus de Ludinghusen, Rudolphus de Meinhuvele, Albertus Dapifer, Henricus Selekinck et Sibertus Norendin milites et alii innumerabiles clerici et layci. Anno Domini M^oCC^oLX^o octavo, IIII Nonas Decembris.

Scopia im Barlarer Scopiar S. 41/42.